



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Fratri Rainerio.

urn:nbn:de:hbz:466:1-20006

mus autem carissimæ in Christo filia C. Imperatrici &c. usque ad verbum illud speciale. Omnes autem literas quæ pro eorum contumacia &c. usque ad verbum illud firmiter in mandatis ut Clericos in Burgo sancti Domnini constitutos à iugo Ecclesiæ Parmen. absolvat, & publicet tantum Ecclesiæ Romanæ teneri. Quod si fortè Card. memoratus in terra non &c. usque ad verbum illud procedat. Ideoque per apostolica vobis scripta mandamus, & districte præcipimus, quatenus cum idem Burgum sancti Domnini à vestra fuerit iurisdictione exemptum, nullam in Ecclesiis vel Clericos eius exercere præsumatis de cetero potestatem; sub pœna excommunicationis vobis nihilominus inhibentes ne Huberto Palavicini filio aliquid de proventibus Parmen. Ecclesiæ impendatis, nec eum, vel suos, vel aliquos pro eo patiamini de ipsis aliquam usurpare vel qualemcunque accipere portionem, contra quod hætenus egisse dicimini fraudulenter. Illud etiam impunitum relinquere nec possumus, nec debemus, quod interdictum in civitate vestra & diocesi positum non plenè, sicut dicitur, observatur, præsertim cum auctoritate nostra prolatum fuerit &c. ut sup. usque in finem. Datum ut supra.

RAVENNATI ARCHIEPISCOP.

Cum apud sedem apostolicam potestatis resideat plenitudo, non est admiratione ducendum, si pensatis subditorum meritis, nunc exaltat humiles, nunc deprimit contumaces. Sanè cum ipsa mater sit omnium generalis, ut in sublimatione humilium ad obediendum provocet contumaces, & in contumacium depressione tam superbis quam humilibus audaciam subtrahat contemnendi, & mansuetos extollit, & deponit supercilium superbiorum. Ideoque Placentinorum contumaciam attendentes, præsentium auctoritate statuimus de fratrum nostrorum consilio & voluntate communi, ut Ecclesiæ Placentina Ecclesiæ Ravennati subiaceat, & venerabilis frater noster Episcopus & Clerus Placentin. tibi obedientiam & honorem exhibeant, donec nobis & dilecto filio P. sanctæ Mariæ in via lata Diacono Cardinali juxta tenorem literarum, quas eis direximus Placentiam, satisfactionem curaverint plenariam exhibere; auctoritate tibi apostolica indulgentes, ut eos

ad obediendum tibi & respondendum (sicut superius est expressum) compellendi liberam habeas facultatem. Nos enim sententiam, quam in eos propter hoc tuleris, ratam habebimus, & faciemus auctore Domino inviolabiliter observari. Nulli ergo &c. Datum Romæ apud sanctum Petrum.

OVETEN. EPISCOPO.

Cum à nobis petitur &c. usque ad verbum illud effectum. Significasti siquidem nobis, quod cum in Ecclesiâ sancti Servandi institutio Abbatis & monachorum ad te de jure pertineat, monasterium ipsum conversum est in canonicam secularem, & cuidam Clerico in beneficium assignatum. quod tu, quantum in te fuerat, emendare intendens, monasterium ipsum in priorem religionis statum desideras revocare. Eapropter, venerabilis in Christo frater, tuis precibus annuentes, ut Ecclesiâ ipsam ad debitum religionis statum reduces, instituendi ibidem Abbatem & monachos, sicut ad te pertinet, liberam tibi concedimus auctoritate apostolica facultatem. Nulli ergo &c. Datum Romæ apud S. Petrum vi. Non. Maij.

FRATRI RAINERIO.

Cum venerabilis frater noster Oveten. Episcopus interdictum, quod in regnum Legionen. apostolicæ sedis auctoritate prolatum fuerat, & ipse servaverit, & in sua diocesi fecerit observari, & propter hoc de regno Legionen. exilium coactus fuerit sustinere, justum non esset aliquatenus vel honestum, si de receptione ipsius in absolute Regis & regni à te vel nullatenus vel nimis tepidè tractaretur. Ideoque discretioni tuæ per apost. scripta mandamus quatenus si juxta formam, quam tibi dedimus, Regem Legionen. duxeris absolvendum, ex debito præstitæ cautionis illi præcipias, antequam interdictum regni relaxes, ut non impediatur quominus dictus Episcopus suæ restituatur diocesi, & tam de damnis illatis, quam de fructibus inde perceptis, recompensationem ei exhibeat competentem, & ei faciat ablata cum integritate restitui. Noveris autem nos eidem Episcopo de speciali gratia concessisse, ut cum regni Legionen. relaxaveris interdictum, latam in suam diocesim interdicti sententiam & hæc-

Epist. 124.
Vt ex Collegio
Canonicorum
iterum fiat mo-
nasterium.

Epist. 125.
Vt curet Oveten-
ensem Episcopum à Rege
Legionen. ejectum restitui.

Epist. 125.
De eadem re.

nus observatam, per se vel nuncium suum auctoritate nostra cum tuo consilio valeat relaxare. Vnde nihilominus volumus & mandamus ut prædictum Episcopum non impedias quominus secundum prædictam formam per se vel nuncium suum dioecesim Ovetensem absolvar. Datum ut supra.

TERRACONEN. ARCHIEPISC.

Epist. 126.
Ne intra septennium proxime vacatura beneficia conferantur, sed redditus convertantur in usus creditorum.

Imminet nobis ex susceptæ administrationis officio ut Ecclesiarum profectibus taliter intendere debeamus, quod ipsi in statu debito persistentes, salubribus proficere valeant institutis. Sanè ad nostram noveris audientiam pervenisse, quod Ecclesia tibi commissa propter beneficia tam mansionariis quam non mansionariis assignata, cum ipsius redditus ad hoc sufficere non valeant, iam ferè ad nihilum est redacta. Volentes igitur ejusdem Ecclesiæ profectibus paterna sollicitudine providere, fraternitati tuæ per apost. scripta præcipiendo mandamus, quatenus, si vera sunt quæ dicuntur, de possessionibus ad mensam tuam pertinentibus infra septennium nulli beneficium de novo assignes, nisi necessitas vel Ecclesiæ utilitas postulaverit, ut per hoc saltem respirare valeat ab onere debitorum. Datum Romæ apud S. Petrum v. Kalend. Maij.

PRÆPOSITO, DECAN.
& Cap. Cameracen.

Epist. 117.
Ut à decessore suo & à se institutum recipiant in Canonicum.
Cap. Proposuit.
De concessione præbendæ.

Proposuit nobis dilectus filius Theobaldus Presbyter, quod cum bonæ mem. Celestinus Papa prædecessor noster post preces, quas vobis pro receptione ipsius in fratrem & assignatione præbendæ ad donationem vestram spectantis in Ecclesia vestra proximò vacaturæ eidem faciendæ porrexerat, mandatum vobis apostolicum destinasset, & bonæ mem. Decanum Remen. executorem concessisset eidem, Decanus ipse vos in executione mandati apostolici contumaces inveniens & rebelles, ipsum de præbendâ primò vacatura in Ecclesia vestra, quæ ad donationem Capituli pertineret, auctoritate apostolica investivit, vobis præcipiens ut eum in Canonicum recipientes & fratrem, ipsi stallum in choro & locum in Capitulo conferretis; Ecclesiarum vobis introitu interdicto, si quod mandabat differretis infra triennium adimplere. Vos autem nec man-

datum ejus exequi voluistis, nec ab Ecclesiarum cessatis ingressu, immo potiùs in elusionem mandati apostolici, causa diffugij ad eundem Decanum appellatis; & cum ipse Decanus morte præventus in negotio ipso ulterius non potuisset procedere, & præbendâ, quæ ad donationem vestram spectabat, in Ecclesia Cameracen. vacasset, eam alij assignastis, in eundem Presbyterum excommunicationis sententiam promulgantes, quia literas ejusdem Decani sibi in testimonium reservavit. Cum autem propter hoc idem Presbyter ad ejusdem prædecessoris nostri præsentiam accessisset, sicut ex literis ejus nobis innotuit, ipse quod ab eodem Decano factum fuerat, ratum volens haberi, collationem præbendæ factam à vobis penitus irritavit, & eundem Presbyterum ab excommunicationis vinculo absolutum de ipsa manu propria per anulum investivit. Licet autem intentionis nostræ non sit investituras de vacaturis factas, contra canonum instituta ratas habere, qui secundum plenitudinem potestatis de jure possumus * supra jus dispensare; attendentes tamen quod idem Presbyter non de vacatura, sed de vacante per prædecessorem nostrum fuerat investitus, utpote quæ post cassationem concessionis à vobis factæ intelligebatur vacare, discretionem vestræ per apostolica scripta mandamus atque præcipimus quatenus amoto ab eadem præbendâ quolibet detentore, eam ipsi T. omni dilatione, excusatione, & app. postpositis conferatis, & permittatis ab ipso pacificè possideri, ei stallum in choro & locum in Capitulo cum plenitudine honoris canonici assignantes. Alioquin noveritis nos venerabili fratri nostro Cathalanensi Episcopo dedisse firmiter in mandatis ut ipse id auctoritate apost. exequatur; contradictores eccle. censura cessante appellatione percellens, si vos super executione mandati nostri desides fueritis, vel remissi. Nos enim sicut nolumus injusta præcipere, sic in justis præceptis nolumus pati repulsam, qui prompti sumus omnem inobedientiam secundum apost. verbum ulcisci. Nullis literis &c. harum tenore tacito &c. Datum Romæ apud sanctum Petrum.

In eundem ferè modum Cathalanensi Episcopo.

M.A.

**In Tertio Collect. legitur, super his,*